

# ЕНБИАӨСЬ - БОРДЪЯ ЛОВЪЯС

**ЧЕРНЫХ** Юля оло Луздор районса Мутнича сиктын. Сылы дас арөс. Зэв пöслукман нывка. Кутшөм снимок көть сылысь он видзöдлы, быдлаын мыйкö вöчö. То пöжасыны отсасьö, то тшак чукöртö. Но кольö на, тыдалö, сылы кадусь и гижасьöм вылö. Зэв лöсьыд висеть ыстис журналö. Лыддим да нимкодь ставнымлы лон сыысь, мый кöнкö эм енбиа нывка, кодi зэв бура тöдö коми кывнымöс да кужöмön сяммö лöсьöдны ассьыс гижöдьяссö. Рыжко нима вöлыс, сиктса челядыс, пыр жö и сувтöны лыддысьысылы син водзас да лоöны радейтанаöн. Нывка ачыс и серпасалома пемöссö. Дзик быгтьö ловья сийö. Мед жö Юля оз зновтчы да водзö сöвмодас ассьыс гижан да серпасасян сямсö.



Юлия ЧЕРНЫХ

## Рыжко!

Шойччан луно бать ветлис орча сиктö да вайöдис чаньöс. Ми, челядь, пыр и котöртiм исласянiнсянь мян керка дорö. Ок, и мусаник чаньыс: ичöтик, гордов гöна! Быдöнлы окота матыстчыны да малыштны сийöс, но бать эз тшöкты. Эг на по ёнасö тöдмасьöй да ог и тöд, кутшöм сылön руыс. Чужьясьö кö, вермас и дойдны на кодöскö.

Чаньöс йортисны гидö, а детинкаяс век на сулалисны карта öдзöс дорын.

— Аски волой! — шуис налы бать.

— Саньö, кутшöм тэ шуда! Тэнад öнi вöв эм, пуксян да пöттöдз ризъяв — котрав, — завидьпырысь шуалис Кирилл, менам ёрт.

— Меным кö татшöм вöлыс! — горöдис Микол. — Кавшаси эськö вылас, шашаритчи бурыйяс да бурпöт гоняйтi.

А ме некодлы нинöм весиг шуны эг вермы, нимкодьöйла вом пельöдз, воча кыв оз сюр. Мовпала сöмын: «Вöв!.. Гортын!.. Öнi лун и вой кута вöв вылын ветлöдлыны!..»

Нем виччысьтöг ывлаö петис бать. Сийö, тыдалö, кылöма сёрнисö да матыстчис мянлань:

— Ок, ичöt везөрьяс, тайö öд абу на прамой вöв, сийöс ёна на колö велöдны, да и выныс оз на судзсьы. Сийö дзик жö тiян кодь кага. Но нинöм, он и казявлöй, быдмас да ставныгö кутас паськыд мыш вылас рöдтöдлыны...

Мöд луннас чаньпины сетiм Рыжко ним.

Во куйм мысти, мян ичöt да жебник чиббось быдмис ыджыд ён вöв. Рам вöлön бать катлис ю дорысь ва, кыскалис видз вылысь турун, вöрысь — пес. А ми пыр виччысим, кор нин бырасны уджьяс, медым котралыштны Рыжко вылын помтöм-дортöм видзьясöд. Бать велöдис вöвнымöс сувтны пидзöс вылас, медым ми, зоньяс да нывьяс, вермим кавшасьны сылön мыш вылö.

Öти асылö бать пырис гидысь да вашнитис пельö:

— Рыжкойд чаньпиос вайöма.

Ме зэв öдйö чеччи кроватьысь да пети

гидйö. Öдзöс дорын сулалис чожинь да дзик пыр и кватитис сой полöд:

— Кытчö мöдин? Кыдзи велöдлi? Пиньяс костад суй турун сi, ичöтыс вермас вомдзасыны.

Рыжко бокин сулалис дзик сы кодь рöма чибук. Мамыс дугдывтöг нюлис ассьыс кагасö. Менö аддзöм борын видзöдлис гөгөрбок да сайöдис ас саяс чаньшисö.

Чаньпи ньöжйöник сöвмис-быдмис. Öтчыд пажын кадö ми лэччим купайтчыны. Рыжко чаньыскöд — мянкöд тшöтш. Ю шöрын вöли ыджыдкодь дi. Вöвьяс вуджалисны сэтчö йирсыны. Видзöдам, а чибукным кавшасьöма мамыслы мыш вылас, да кыкөн вуджöны мöдлаполö. Но и радлiм ми, кутшöм жö тёлка вöвным!

Мöдысь бара нельö-витөн мөдöдчим ю дорö. Ывлаыс вöли вывти жар. Ставөн бузгысим ваö. Суналам ваö, дурам-сералам. Друг видзöдам, а Миколöс ваыс кутис кылöдны. Сийö мöдис лёкысь горзыны. Ыджыдджык зоньяс уськöдчисны пыжлань, медым отсавны вöйысылы. А кодкö друг горöдис:

— Чуксав ас дорад Рыжкоöс!

Видзöдам да, мян Рыжко Микол дiнын нин варчö. Бергöдчис береглань, а сөсся быгтьö суньштлөмön лэптыштис Миколöс ва пиысь. Зонка кутчысис Рыжколы божас. Тадзи и воöдчисны берегланьыс.

Ок, и ошким ми сэки Рыжконымöс! Миколöн ыджыдджык чойыс, Тоня, бордис да окалис сийöс:



— Донай, мездысьöй тэ мян! Медаль тэныд колö, медаль!..

А таво гожöм вöли татшöмтор. Сыктивкарысь гөститны локтис менам вок. Славик öктöма оз да кöсийöма чöсмöдлыштны Рыжкоöс. Друг кылам, кодкö бордö. Батькöд уськöдчим ывлаö. Видзöдам, а мян Славик сулалö вöв бокин да бордö. Вöлөмкö, сийö чунь помьяснас кутöма вотöссö да сетöма вöвлы. Ми öдва бурöдiм Славикöс, а сөсся бать висьталис, мый вöвсö колö вердны оз чунь помсянь, а ки пыдöс вывсянь.

Рыгнас нин Славик висьтасис, мый бордöма абу доймöм вöсна, а сылы, вöлөмкö, забедно лоöма. Сийö некыдз абу виччысьöма Рыжкосянь татшöмторсö.

Вот татшöм менам эм радейтана пемöс, менам Рыжко!